

autem sapissimè & frequentissimè) non continuò indignetur & stomachetur.

53. Benè Themistocles aiebat, se platanis similem, sub quarum umbrâ accurrunt homines affecti tempestatibus, & easdem ut serenitas rediit, vellicant, & conspurcant. Usque adeò humanæ fragilitatis nimia est in rebus prosperis oblivio. Quod ait Plutarchus. (b)

(t) *In Scipione Africano fol. 107.*

54. Sed non omnes tamen eodem sunt ingenio, neque propter unius aut alterius improbitatem intermittendæ sunt benè de quam plurimis merendi occasiones, ut benè Cominæus. (u)

(u) *Lib. 2. de Reb. Gallicis pag. 377.*

55. Imò fieri potest ut unus aliquis licet tenui sit beneficio affectus, insignem aliquam operam præstet, & reliquorum ingratitude cumulatè resarciat & recompenlet. Idem Cominæus. (x)

(x) *d. lib. 2. pag. 377.*

56. Quid? Ab omnibus precium *ιστέροπον* solvi non potest. Errant enim & quidem graviter, qui suis Præceptoribus externo aliquo beneficio satisfactum iri somniant, quasi verò virtus & salus animi levis fortunæ ludibrio remunerari possit,

— — *animum non munera iactes.*

57. Paucis. Pii debent esse ut ficus, quæ etsi lace-
rentur & pessimè tractentur, non degenerant tamen in
rubum, sed manent bona arbor, ut graviter D. Luthe-
rus. (y) Æquè & illi ingratitude quorundam commoti
suo isto de virtutis studio & studio non discedant, sed
instar Termini contra illius indignitatem consistant,
inque proposito bono persistant.

(y) *Commentar. in Gen. c. 26. fol. 47. v. Hæc omnia.*

58. *Accipientis*: Hic dignus sit oportet nostris be-
nificiis. Digni verò non nisi boni, qui tamen & ipsi
non semper supremis confident in gradibus, sed & cum